

# Ах үкрч Перекрестовин бригадт

«Троицкий» совхозин 1-ч номертә фермд үр Перекрестовин өрк-бүл малд көдлнә. Сергей Степанович Перекрестов ах үкрч, энүнә гергнь — Анастасия Трофимовна болн Степан Виктор хойр көвүнь — мал хәрүлнә. Эднә гарт 735 бод мал бәәнә.

Көдлмшт дурта, ни-нииньгү өрк-бүл чидлән нөл уга малан хәләдж асрад, сән гидг үзмдж күцв. Эн бригад нег толгъа бод мал болгъниг өдртән 900-д грамм немүлдж сәәрүлх даалгъвр авла. Авсн даалгъвран эдн нертә кевәр күцәв.

Махнд өггдсн 280 толгъа бод малин ик зунь таргънар өггдв. 20 тонн махн болв, эс гидж идгт йовсн мал болгън өдр болгън 1970 грамм немдж сәәрв.

Ах үкрч Перекрестовин бригад июнь сард 17 мингън 630 арслнъ олов. Ах үкрч Сергей Степанович бийнъ — 5330 арслнъ, энүнә гергнь болн хойр көвүнъ — 4100-д арслнъ олов.

Эн бригадин члед өвс хадлгънд, силос дарлгънд болн тәрә хуралгънд орлцна. Силос дарлгъна цагт көдлмшчнр дутджад Виктор Перекрестов силосин өвс зөөлгънд көдлджәлә. Ода тәрә хуралгън эклчксн цагт Перекрестовин көвүд — Степан болн Иван хойр комбайнд көдлх даалгъвр авцхав.

КПСС-н ЦК-н июньск Пленумин токтавр совхозин көдлмшчнр, малчнр дунд ик гидг производственн болн агитическ өргмдж гаргъв. Амн болгъна тоод мах, үс болн тос гаргългъяр өөрхн джилмүдин эргцд Америкин Соединенн Штатсиг күцдж авлгъна төриг диилвртәгъяр хагълхин төлә совхозин коллектив, цуг малчнр чидлән нөлго дөрлдж, батта ноолда кедж йовцхана.

**Н. КУЛЬЧЕНКО.**

КПСС-н Целинн района комитетин пропагандин болн агитацион отделин заведующ.